



Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 17/03/2026

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir den Interieur weiderzeleeden.

Bei der öffentlecher Sëtzung vum 29te Januar 2026 hat de Comité vum TICE en zousätzleche Kredit vun 300.000 € am allgemenge Budgetsposten « Honorairë fir extern Consultance an Expertise » adaptéiert, fir eng onofhängeg Analys zu presuméierte Spannungen op der Aarbechtsplaz bannent dem TICE duerch eng extern Gesellschaft duerchzeféieren. D'Firma ass scho bekannt.

Et stellen sech d'Froen un der Vergab vum Optrag, well een bei 300.000€ iwwert de Schwellewäerter vum öffentlechen Opträg leit.

Doriwwer eraus bemängelt d'Personaldelegatioun FGFC, dass si an dësem schéngbar "onofhängeg" Prozess guer net agebonne gouf a keng Informatiounen doriwwer krut, wéi dës scheinbar "onofhängeg" Analyse sollt duerchgefouert ginn a wien dorunner deelhält.

An deem Zesammenhang wéilt ech dem Minister dës Froe stellen:

1. Gouf et eng öffentlech Ausschreibung fir dës Consultance a falls jo, wat ass d'Referenznummer?
2. Goufen am Fall vun dëser externer Consultance d'Reegelen am Beräich vun de Marchés publics respektéiert?
3. Wéi iwwerprüft de Ministère als Tutelle-Instanz vun de Gemengen, datt kommunal Syndikater, wéi den TICE, sech un dës gesetzlech Virschrëften halen?
Wat kann den Inneministère maachen, wa Gemengesyndikater sech net un d'Reegelen halen?
4. Ass et am Aklang mat de Prinzippe vum Sozialdialog, wann eng extern Analys betreffend der



Personalsituatioun duerchgefouert gëtt, ouni d'Personaldelegatioun mat Zäiten am Virfeld z'informéieren oder ze consultéieren?

5. Gesäit de Minister an dësem Fall, dass eng nei Prozedur fir eng extern Consultance zesumme mat der Personalverriedung misst lancéiert ginn, fir d'Neutralitéit vun der Analyse ze garantéieren?

Mat déiwem Respekt,



GOERGEN Marc

Deputéierten

